

外科正宗

卷三

新刊外科正宗卷之三

崇川 陳實功毓仁父 纂著

流注論第三十

夫流注者。流者行也。乃氣血之壯。自無停息之機。注者住也。因氣血之衰。是有凝滯之患。故行者由其自然。住者由其瘀壅。其形漫腫。無頭皮色不變。所發毋論穴道。隨處可生。凡得此者。多生於體虛之人。勤勞之輩。不慎調燮。夏秋露臥。縱意取涼。熱體當風。圖身快爽。或中風邪。發散未盡。或慾後陰虛。

按撲
作打

外寒所侵。又或惱怒傷肝。鬱結傷脾。榮氣不從。逆於肉裏。又或跌打損傷。瘀血凝滯。或產後惡露未盡。流滯經絡。此等種種。皆成斯疾也。既成之後。當分表裏寒熱虛實。邪正新久。而治之。初因風寒相中。表症發散未盡者。人參敗毒散散之。房慾之後。體虛寒氣外侵者。五積散加附子溫之。勞傷鬱怒。思慮傷脾而成者。歸脾湯加香附青皮散之。跌撲傷損。瘀血凝滯而成者。復元活血湯逐之。產後惡露未盡。流注經絡而成者。木香流氣飲導之。此皆初

起將成之法。一服至三四服皆可外俱用琥珀膏敷貼。其中亦有可消者。十中五六如服前藥不得內消者。法當大養氣血。培助脾胃。溫暖經絡。通行關節。木香流氣飲。十全大補湯。俱加熟附子香附。培助根本。此則未成者自消。已成者自潰。已潰者自斂。而終無殘敗破漏不斂之症。且如有膿宜急開之。患者又當慎起居。戒七情。遠寒就溫。俱可保全。若悞用寒涼剋伐內消等藥。終至不救者多矣。

流注看法

初起漫腫。皮色光亮。微熱微疼。筋骨不欠。强者爲順。
已成身體微熱。飲食有味。疼痛有時。腫生紅色者順。
已潰膿稠而黃。腫消痛止。身體輕便。起坐如常者順。
潰後內肉易生。膿水易止。精神易復。膿口易合者順。
初起身體發熱。脉細而數。皮色微腫。痛徹筋骨者險。
已成飲食少。思口乾作渴。身體疼痛。四肢沉重者險。
已潰膿水清稀。腫仍不消。虛熱不退。疼痛不減者逆。
潰後膿穢不止。肌膚瘦削。飲食不食。發熱皮斂者死。

流注治法

初因風寒表散未盡而後復生腫痛者再宜和解之。
表邪已盡而後復生流注者宜清熱消腫行散氣血。
暴怒所傷抑鬱所致胸膈痞悶中氣不舒順氣寬中。
腫硬已成而不得內消者宜和氣血更兼補助脾胃。
跌撲閃肭瘀血凝滯爲患者宜調和氣血通行經絡。
寒邪所襲筋攣骨痛及遍身疼痛者溫經絡行氣血。
產後敗血流注關節致生腫痛者當散敗瘀養氣血。
潰後膿水不止而形衰食少者宜滋氣血峻補脾胃。

流注治驗

一男子風寒表散未盡。兩腮腫痛。微熱不退。以小柴胡加川芎天花粉桔梗連翹二服。餘熱頓退。又以二陳湯加桔梗黃芩牛蒡子連翹四服。十日而安。

一男子勞傷受寒。背生三腫。皮色不變。寒熱交作。至夜尤甚。先以萬靈丹洗浴發汗。寒熱頓退。惟腫硬不消。以琥珀膏敷之三次。其腫消痛止。漸漸而平。

一婦人因怒。脇下結腫。將近半年。方痛。此得之肝氣鬱結之症。以木香流氣飲四服。其腫漸紅。此日久之病。必欲作膿。不可內消。又以十全大補湯加水。

香香附青皮十餘服。其腫漸高。又以本方加皂角刺五服。其膿乃潰。且清且多。此勞中所得者。元氣已經虧損。其膿故多。而清以人參養榮湯加熟附子月餘。膿稠且少。又本方倍參芪歸朮。兩月而愈。

一男子元氣素虛。因暴怒。腠生腫塊。疼痛牽強。寒熱往來。飲食日減。以補中益氣湯加香附貝母十餘服。寒熱漸止。又以益氣養榮湯月餘。而腫潰。間以八珍湯服之。外用附子餅日灸二次。脾胃健而安。

一孀婦項間乳上各腫一塊。將近一年。漸大方痛。唇

之脉細數而無力。此思慮過傷之病也。以歸脾湯加桔梗香附十餘服。其腫漸高。外以琥珀膏敷之。腫頂紅色。欲其作膿。又以十全大補湯加桔梗貝母服之。半月膿熟。針之後。頭腐膿清。虛熱復作。食少不睡。仍以歸脾湯間以逍遙散服之。三月而愈。一男子平素怯弱。腰後微腫一塊。飲食少思。口乾發熱。此得之腎傷之病也。治當朝以附桂八味丸。午用人參養榮湯。扶植根本爲要。彼以口乾發熱。內火之故。欲投清涼之劑。解之。予辭不敢治。請內醫。

視之以退熱爲主。正合病家之意。投藥三劑。腹痛作瀉。又以猪苓澤瀉厚朴泄氣等藥。大熱發作。形體更變。復請予治。予曰。死之速矣。伊不知因虛致病。法當滋補。況是腰間腫塊。內腎受傷口乾作渴。腎水枯竭。發熱不退。陰虛血少。今以有餘之藥而療不足之症。豈有不死者。始信前悞。又半月而死。

流注主治方

調和榮衛湯

調和榮衛湯 甘草 赤芍 白芷 併烏藥

陳獨芎 歸芪 大茴 牛膝 紅花 相共 隨

治流注初起。氣血凝聚。結腫不散。已成未成。服

川芎

當歸

陳皮

獨活

各壹錢

赤芍

白芷

烏藥

大茴香

黄氏

各八分

甘草

灸

紅花

分各五

牛膝

加下
部

水二鍾煎入分入酒一杯量病上下服。

木香流氣飲

木香流氣飲芎歸
枳殼枳苓防半夏

蘇桔青陳烏澤芪
腹皮實芍膝甘隨

治流注癰癤及鬱結爲腫或血氣凝滯遍身走

注^メ作^レ痛^ツ或[○]心[○]胸[○]痞[○]悶[○]噎[○]咽[○]不[○]利[○]脇[○]腹[○]膨[○]脹[○]嘔[○]吐[○]

不食。上氣喘急。咳嗽痰盛。或四肢面目浮腫者。

並服之スヲ

川芎

當歸

紫蘇

桔梗

青皮

陳皮

烏藥

黃芪

枳實

茯苓

防風

半夏

白芍

各一錢

甘草節

大腹皮

木香

檳榔

澤瀉

枳殼

各五分

牛膝

下部加一錢

水二鍾。薑三片。棗一枚。煎八分。食遠服。

附子八物湯

附子八物湯 芍藥 甘草 肉桂 當歸等

熟地 人參 朮 茯苓 木香 姜 棗 効 通神

治房慾後陰虛受寒致生腫塊。又或遍身腿脚

疼痛不能步履。

川芎

白芍

熟地

人參

白朮

茯苓

當歸

附子

錢各一

肉桂

分五

木香

甘草

分各三

水二鍾薑三片棗一枚煎八分食遠服

瘡科流氣飲

瘡科流氣飲芎歸防風枳殼香烏藥

甘桔蘇枳芍桂芪白芷人參厚朴隨

治流注及一切鬱怒凝滯氣血作腫疼痛或胸

膈痞悶或風寒溼毒搏於經絡結成腫塊者服

當歸

甘草

紫蘇

人參

白芍

官桂

黃芪

防風

枳殼

烏藥

桔梗

厚朴

各七分

檳榔

木香

川芎

白芷

各五分

水二鍾煎八分食遠服

通經導滯湯

通經導滯湯香附陳皮丹皮蘇草節

赤芍芎歸熟地隨牛膝紅花獨殼奇

治婦人產後敗血流注經絡結成腫塊疼痛者

香附

赤芍

川芎

當歸

熟地

陳皮

紫蘇

牡丹皮

紅花

牛膝

枳殼

各一錢

甘草節

獨活

各五分

水二鍾煎八分入酒一小杯食前服

香附餅

香附餅最散風寒
熨底熱攻寒氣散

酒和調成患上安
敢教苦楚即成歡

治風寒流注襲於經絡結成腫痛用香附爲末

酒和量瘡大小做餅覆患處熱熨斗熨藥上未

成者自消已成者自潰風寒溼毒宜薑汁作餅

醒脾湯

醒脾湯中白朮芪
茯苓神遠志柴甘桔

連參酸棗地骨皮
香附木香龍眼宜

治懷抱鬱結思慮傷脾致脾氣不行逆於肉裏

乃生壅腫疼痛不眠心煩不安神氣不清等症

白朮

黃芪

人參

茯苓

各一錢

酸棗仁

地骨皮

遠志

各七

柴胡

甘草

桔梗

黃連

木香

香附

各五分

圓眼肉

七個

飯脾湯方中未加五味者

水二鍾薑三片棗二枚煎八分不拘時服

調中大成湯

調中大成湯木附砂仁遠志丹皮草

苓歸芍藥藿黃芪肉桂煨薑黑棗隨

治流注潰後膿水清稀飲食減少不能生肌

收歛

白朮

茯苓

歸身

白芍

陳皮

山藥

黃芪

牡丹皮

各一錢

人參

二錢

藿香

砂仁

遠志

甘草

各五分

附子

肉桂

各八分

水二鍾。煨薑三片。棗二枚。煎八分。食遠服。

黃芪六一湯

黃芪六一湯甘草流注膿多併作湯

加上人參三味奇更兼煩躁効堪推

治流注潰後膿水出多口乾作渴煩躁不寧服之

黃芪

六錢半生半蜜水炒

甘草

一錢五分半生半炙

人參

一錢

水二鍾。煎八分。食遠服。

散血葛根湯

散血葛根湯半夏甘草細辛併蘇葉

芎防羌葛芷升麻桔梗香附與紅花

治跌撲傷損瘀血凝滯結成流注身發寒熱者